

Broj: 05-30/1-989/26
Sarajevo, 09.04.2026. godine

Na osnovu člana 56. Zakona o organizaciji organa uprave u Federaciji BiH ("Službene novine Federacije BiH", broj: 35/05) i člana 34. stav (1) Zakona o radu ("Službene novine Federacije BiH", br. 26/16, 89/18, 23/20, 49/21, 44/22 i 39/24) u vezi sa članom 47. Zakona o državnoj službi u Federaciji BiH ("Službene novine Federacije BiH", br. 29/03, 23/04, 39/04, 54/04, 67/05, 8/06, 4/12, 99/15 i 9/17-Presuda Ustavnog suda Federacije Bosne i Hercegovine, broj: U-13/16), federalni ministar za pitanja boraca i invalida odbrambeno-oslobodilačkog rata **objavljuje**

JAVNI POZIV

za prijem lica na stručno osposobljavanje bez zasnivanja radnog odnosa u Federalno ministarstvo za pitanja boraca i invalida odbrambeno-oslobodilačkog rata/Federalno ministarstvo za pitanja branitelja i invalida domovinskog rata

1. Lica na stručnom osposobljavanju - 10 (deset) izvršilaca

Uslovi: Pored općih uslova propisanih članom 25. stav (1) Zakona o državnoj službi u Federaciji BiH ("Službene novine Federacije BiH", br. 29/03, 23/04, 39/04, 54/04, 67/05, 8/06, 4/12, 99/15 i 9/17- Presuda Ustavnog suda Federacije BiH, broj: U-13/16), kandidati trebaju ispunjavati i posebne uslove:

VSS - VII stepen, diploma visokog obrazovanja pravne ili upravne struke, Ekonomski fakultet ili drugi fakultet društvenog smjera, odnosno visoko obrazovanje prvog, drugog ili trećeg ciklusa bolonjskog sistema studiranja tražene struke sa ostvarenih najmanje 180 (stotinuosamdeset) ETCS bodova.

Uz prijavu sa tačno navedenom adresom stanovanja i kontakt telefonom kandidata, potrebno je dostaviti sljedeće dokumente - originale ili ovjerene fotokopije (ne starije od tri mjeseca):

1. Fakultetska diploma,
2. Uvjerenje nadležne službe za zapošljavanje da se kandidat nalazi na evidenciji Zavoda za zapošljavanje,
3. Prosjek ocjena po završetku studija,
4. Dokaz o pripadnosti branilačkoj/braniteljskoj populaciji (kao dopunski kriterij za ostvarivanje prednosti pod jednakim uslovima).

Procedura prijema lica na stručno osposobljavanje vršit će se prema Procedurama o jedinstvenim kriterijima i postupku izbora i prijema kandidata – lica na stručno osposobljavanje VII stepena stručne spreme u organ državne službe u Federaciji BiH. Komisija za izbor kandidata - lica na stručno osposobljavanje u Federalnom ministarstvu za pitanja boraca i invalida odbrambenooslobodilačkog rata, sastavit će test provjere općeg znanja kandidata.

Na službenoj web stranici Ministarstva – www.fmbi.gov.ba bit će objavljeni pregled literature za polaganje pismenog testa provjere znanja kandidata, kao i dan, vrijeme i mjesto polaganja pismenog testa provjere znanja, a kandidati koji polože pismeni test provjere znanja pristupit će usmenoj provjeri znanja istog dana, i to na način da će se obaviti intervju sa kandidatima. Procedure o jedinstvenim kriterijima i postupku izbora i prijema kandidata-lica na stručno osposobljavanje VII stepena stručne spreme u Federalnom ministarstvu za pitanja boraca i invalida odbrambeno-oslobodilačkog rata, kandidati mogu pronaći na web stranici www.fmbi.gov.ba.

Prijave sa traženom dokumentacijom potrebno je dostaviti najkasnije 15 dana od dana objave Javnog poziva u dva dnevna lista (računajući od posljednje objave), putem pošte preporučeno na adresu:

**Federalno ministarstvo za pitanja boraca i invalida odbrambeno-oslobodilačkog rata/
Federalno ministarstvo za pitanja branitelja i invalida domovinskog rata
Ul. Hamdije Čemerlića br. 2, 71000 Sarajevo**

sa naznakom: "Javni poziv za prijem lica na stručno osposobljavanje bez zasnivanja radnog odnosa"

Nepotpune i neblagovremene prijave neće se uzimati u razmatranje.

Napomena: Kandidat se prima na stručno osposobljavanje za samostalni rad, bez zasnivanja radnog odnosa na period od jedne godine i u skladu sa članom 26. Zakona o plaćama i naknadama u organima vlasti Federacije BiH ("Službene novine Federacije BiH", br. 45/10, 111/12 i 20/17) ima pravo na naknadu u iznosu od 35% od osnovne plaće stručnog saradnika.